



UNIVERSITÄTS-
BIBLIOTHEK
PADERBORN

Universitätsbibliothek Paderborn

Imago saeculi XVII. ad annum huius saeculi X. producta

Neuhusii Paderbornae, 1710

Annus 1668.

urn:nbn:de:hbz:466:1-29436

nardum, Cortracum & alia non pauca nec minoris momenti oppida, tam incuriis defensionis propriæ Hispanis, ut vix pauculas tandem copias objecerint furenti torrenti Gallico.

Die 6 Aprilis horrendus terræ motus concussit Dalmatiam, subversa Ragusæ pars maxima; periêre omnes incolæ, præter 400 & Moniales 60. quæ extractæ fuêre ex ruinis, in quibus triduo jacuerant semi sepultæ, aliæ quædam civitates penitus absorptæ, & solo æquatæ.

Post incensam à Batavis Anglorum classem in Tamesi sancitur pax inter ambas gentes iis pactis, ut retineret, quæ pars alterutra flagrante bello occupâset.

AN N U S 1668.

Alphonfus Lusitaniæ Rex & regno & uxori ineptus judicatus, utrumque fratri Petro concedere cogitur.

Anno eodem exemplo novo, & quod imitentur pauci, Casimirus Rex Poloniæ, uti olim religioni & purpuræ, ita nunc renuntiat regno, & posita corona contendit in Galliam, ubi vitæ reliquum privatus exegit, vir à nonnullis mentis leviusculæ notâ punctus.

ubisri

F 6

Rex

Rex Galliaë medio Februario Burgundiam invadit, & intra paucas hebdomadas per ignaviam & perfidiam provinciæ Primatû, quos sibi jam antea per secretas artes obnoxios reddiderat, in potestatem redigit. Rediit tamen eodem adhuc anno Provincia ad priores Dominos ex conditionibus pacis paulò post, secutæ, quæ Burgundiam asseruit Hispanis, Gallis verò, quidquid ab iis in Belgio erat occupatum.

Suffectus Casimiro Michael Koributh Dux Visnovicensis, cui, suû quasi incurio, diffidia aliorum circa exteri alicujus Principis Electionem coronam imposuerunt.

Laurentius Cornelius classis Venetæ Præfectus potitur insigni victoriâ de classe Turcicâ ad Fodellam.

Obsessis Candiensibus venêre suppetiæ nobiles ex omni ferè Europâ viri illustres, & emeritæ militiæ Duces, militaris exempla fortitudinis edituri adversus Barbaros.

Hoc anno suppressit Clemens Pontifex tres Regularium Ordines, ut ex divenditis eorum patrimoniis æs collectum, quod excurrit ad nongenta & amplius Ducatorum millia cederet Venetorum Reipublicæ pro levandis expensis, quas ferebat in defendendâ Candiâ.

Romæ

Romæ assentiente Rege Galliaë diruta infamis illa Pyramis genti Corsicæ ante aliquot annos erecta. Permittente vicissim Pontifice revulsa ab arcâ D. Antonii templo vicina crux & columna, quam Clemens VIII. ob memoriam Henrici IV. ad fidem conversi statuerat.

Sancita pax inter Hispanos & Lusitanos. Lusitani dicti liberi, & ab ignominia rebellionis absoluti. Restituta omnia, quæ utriusque fuerant regni, antequam coalescerent in unum tempore Philippi II. excepto Ceutæ fortalitio, quod Hispanorum juri relictum est.

Aulam Viennensem turbavit luctu maximo mors Ferdinandi Wenceslai Cæsaris primogeniti, cui accessit fortuitum incendium, quo palatii Cæsarei pars maxima conflagravit. Lenivit jacturam ædium insigne miraculum, quo Deus suæ crucis particulâ medios inter ignes illæsam voluit. In cujus portenti memoriam Eleonora Ferdinandi III. Imperatoris vidua instituit ad instar Equestrium ordinum nobiliorum societatem mulierum, quarum pietati præcipuè incumberet crucem venerari, gestato Labaro aureo ceu numismate, quod ex humero sinistro penderet.

Parisiis Mareschallus Turrenius publicè abjurato Calvinismo Romanam fidem professus fuit.

ANNUS 1669.

Cessit hoc anno Barbaris famosa illa Candia. Culpa deditiois rejecta potissimum in Gallos, qui inopinato suo discessu urbem, dum maximè laborabat, destituerunt, postquam priùs per inconsultam & omnino temerariam eruptionem florem militiæ ferro Turcico mactandum objecerant. Obsidio triennis absumpsit Christianorum 29000. Turcarum verò 70000. præter rusticorum & captivorum 38000. qui in suffodiendis cuniculis, & excitandis suggestibus operam præstare erant coacti.

Fastis Sanctorum adscripti à Clemente Pontifice Petrus de Alcantarâ Ordinis Franciscani, & Magdalena de Pazzis Monialis Catmelitana; securus paulò post obitus Pontificis, confecti, ut creditum, dolore amissæ Cretæ.

Recruduere tumultus in Hispania concitato potissimum Joanne Austriaco; petitus præcipuè Nithardus Reginae Confessarius, quod, plusquam vellent Hispani, admoventur negotiis regni, unde, ut invidiâ

decli-